

Headline	Seminar dua hari teroka spesies kayu		
MediaTitle	Utusan Sarawak		
Date	13 Nov 2012	Color	Black/white
Section	EKONOMI	Circulation	37,981
Page No	E1	Readership	113,943
Language	Malay	ArticleSize	210 cm ²
Journalist	N/A	AdValue	RM 477
Frequency	Daily	PR Value	RM 1,432



Seminar dua hari teroka spesies kayu

KUCHING, Isnin — Agensi-agensinya berkaitan hutan, penyelidik, pembuat perabot dan pemilik kepentingan lain akan berhimpun di sini selama dua hari mulai 19 Nov untuk meneroka dan menggalakkan penggunaan alternatif kepada spesi perintis yang tumbuh secara semula jadi sebagai bahan mentah bagi menghasilkan produk berasaskan kayu.

Tumpuan mereka ialah Seminar mengenai Getah, Akasia, Kelapa Sawit dan Spesi Kayu Perintis Sarawak 2012: Sumber Berpotensi bagi Industri Kayu Sarawak, anjuran Institut Penyelidikan Perhutanan Malaysia (FRIM), Perbadanan Kemajuan Perusahaan Kayu Sarawak (STIDC) dan Universiti Malay-

sia Sarawak (Unimas).

“Lebih 100 orang terdiri daripada wakil-wakil dari agensi-agensinya berkaitan hutan, pakar-pakar, penyelidik, pereka bentuk, pembuat perabot dan peserta industri berasaskan kayu lain di Sarawak dijangka menyertai seminar ini untuk mengetahui, berkongsi dan berbincang mengenai penemuan-penemuan terkini dan isu-isu berkaitan yang lain,” demikian menurut satu kenyataan yang dikeluarkan oleh FRIM di sini hari ini.

Ia berkata, industri berkaitan kayu merupakan sumber pendapatan penting bagi Malaysia dalam beberapa dekad lalu dengan eksport berjumlah RM20 bilion setahun.

Bagaimanapun, industri ini

akan menghadapi kekurangan bekalan kayu berkualiti dalam jangka waktu terdekat ini, disebabkan oleh penekanan yang diberikan kepada pemuliharaan alam sekitar dan hutan.

Mujurlah, ada banyak spesi yang kurang dikenali dan produk sampingan pertanian yang boleh digunakan sebagai alternatif untuk membantu dalam memenuhi keperluan industri berasaskan kayu sekarang ini.

Inisiatif-inisiatif penyelidikan dan pembangunan (R&D) oleh universiti-universiti tempatan telah berjaya mengenal pasti produk berasaskan kayu yang boleh dihasilkan daripada sumber-sumber alternatif ini.

Ini akan membantu mengu-

rangkan pergantungan industri ini kepada kayu hutan serta kadar penebangan hutan.

Seminar ini akan membentangkan keputusan-keputusan R&D dan pengkomersialan kayu getah, sawit, akasia dan spesi-spesi perintis lain sebagai alternatif bagi industri kayu bagi masa depan.

Sejumlah 18 kertas kerja akan dibentangkan oleh penyelidik-penyelidik FRIM dan wakil-wakil dari STIDC, UNIMAS, Jabatan Hutan Sarawak, Perbadanan Perhutanan Sarawak, Majlis Kayu Kayan Malaysia, Pihak Berkuasa Kemajuan Pekebun Kecil Perusahaan Getah (RISDA) Sarawak dan Lembaga Perindustrian Kayu Malaysia. – Bernama